

# UVOD

## Cilj, problem i predmet istraživanja

Osnovna karakteristika tržišne ekonomije jeste u zakonitosti odnosa ponude i potražnje. Djelovanjem ove zakonitosti ponude i potražnje formiraju se cijene proizvoda i usluga. Na osnovu upoređivanja cijene koštanja sa tržišnom cijenom vlastitih proizvoda i usluga, menadžment preduzeća dobija informaciju a samim tim i signal za opredjeljenje za one proizvode i usluge sa kojima će ostvarivati što bolje finansijske rezultate. Pored toga na osnovu ovih informacija menadžment dobija informaciju na osnovu koje može prosuditi i o odustajanju od onih proizvoda i usluga koji više ne donose rezultate za pozitivan finansijski rezultat u preduzeću. Kalkulacija predstavlja računski postupak, odnosno metod na osnovu kojeg se dobija informacija o nabavnoj, prodajnoj ili nekoj drugoj cijeni.

Cilj istraživanja ovog diplomskog rada je prikazati prednosti i nedostatke primjene direct costing metode u preduzeću, kao i izvršiti poređenja sa drugim metodama koje se koriste u preduzeću.

Problem kod ovog istraživanja jeste što se radi o relativno novijoj metodi čija primjena i nije tako zastupljena u praksi.

Predmet istraživanja zasniva se na analizi finansijskih izvještaja, planiranju poslovanja i dobijanju finansijskog rezultata primjenom direct costing metode.

## Radna hipoteza

Primjena direct costing metode u preduzeću doprinosi boljoj slici o samom poslovanju preduzeća, koju menadžment preduzeća može iskoristiti za bolje upravljanje i donošenje boljih poslovnih odluka.

## Naučne metode

U izradi ovog rada korištene su sljedeće metode: metoda analize i sinteze, te metoda deskripcije.

## Struktura rada

Diplomski rad je sistematiziran u četiri međusobno povezane tematske cjeline.

**UVOD** će se odnositi na ciljeve, problem i predmet istraživanja, radnu hipotezu, naučne metode, te strukturu rada.

U prvom dijelu rada objasniti će se pojam troška, gdje će se pored pojma troška definisati i pojam rashoda i izdatka. Pored toga u prvom dijelu rada biće izvršena i klasifikacija troškova, te objašnjene pojedine vrste troškova.

Drugi dio rada odnositi će se na metode kalkulacija. U ovom dijelu biće obrađene osnovne karakteristike kalkulacije, zatim će se obraditi i pojasniti ciljevi kalkulacije, kao i vrste kalkulacija koje postoje, i koje se primjenjuju.

U trećem dijelu rada obradit će se direct costing metoda sa prednostima i nedostacima kao jedna od metoda kalkulacije troškova. U ovom dijelu obradit će se sam pojam direct costing metode, odnosno biti će objašnjeni historijski put primjene ove metode. Pored toga detaljno će se obraditi prednosti i nedostaci direct costing metode.

U četvrtom dijelu rada biti će obrađena praktična primjena direct costing metode, gdje će se kroz konkretne primjere uraditi kalkulacija primjenom direct costing metode

I u zadnjem dijelu, Zaključak, prikazati će se sinteza rezultata istraživanja kojima je dokazana postavljena hipoteza.